

Broj: 08-14-1911-6/18
Mostar, 21.11.2018. godine

Na osnovu člana 64. stav (1) tačka b) najniža cijena, člana 70 stav (1), (3) i (6) Zakona o javnim nabavkama ("Službeni glasnik BiH", broj 39/14), na Preporuku Stalne komisije za javne nabavke broj: 08-14-1911-5/18 od 21.11.2018. godine u postupku javne nabavke metalnih žigova koji su u upotrebi kod verificiranja mjerila za 2019. godinu – oznaka i naziv iz JRJN-30192151-4 – Žigovi, ministar Federalnog ministarstva energije, rudarstva i industrije, donosi

O D L U K U

o izboru najpovoljnijeg ponuđača za nabavku metalnih žigova koji su u upotrebi kod verificiranja mjerila za 2019. godinu, oznaka i naziv iz JRJN – 30192151- 4 - Žigovi

Član 1.

Prihvata se preporuka Stalne komisije za javne nabavke (u daljem tekstu: Komisija), broj 08-14-1911-5/18 od 21.11.2018. godine, te se Ugovor za javnu nabavku metalnih žigova koji su u upotrebi kod verificiranja mjerila za 2019. godinu – oznaka i naziv iz JRJN-30192151-4 – Žigovi, za potrebe Zavoda za mjeriteljstvo, dodjeljuje ponuđaču „Tvornica alata“ d.o.o. Bugojno, sa sjedištem na adresi ul. Armije BiH 171, 70 230 Bugojno, ponuda od 09.11.2018. godine, za konačnu ponuđenu cijenu, nakon okončane e-aukcije, od 3.300,00 KM bez PDV-a.

Član 2.

Prijedlog ugovora o nabavci dostaviti će se na potpis izabranom ponuđaču „Tvornica alata“ d.o.o. Bugojno, po isteku roka od 10 dana računajući od dana kada su svi ponuđači obavješteni o izboru najpovoljnije ponude.

Član 3.

Za izvršenje ove odluke zadužuje se Služba za finansijsko - računovodstvene poslove.

Član 4.

Ova odluka objavit će se na web-stranici www.fmeri.gov.ba istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke metalnih žigova koji su u upotrebi kod verificiranja mjerila za 2019. godinu, broj 08-14-1911/18 od 18.10.2018. godine.

Javna nabavka je provedena putem Konkurentskog zahtjeva za dostavu ponuda.

Procijenjena vrijednost javne nabavke bez PDV-a je 10.000,00 KM.

Obavještenje o nabavci broj 1380-7-1-34-3-15/18 poslano je na objavu dana 25.10.2018. godine.

Zahtjev za dostavu ponuda proslijeđen je na adrese tri ponuđača istovremeno sa slanjem obavještenja sa Portala javnih nabavki.

Dana 21.11.2018. godine, Komisija je federalnom ministru energije, rudarstva i industrije dostavila Zapisnik o pregledu i ocjeni ponuda i Preporuku o izboru najpovoljnijeg ponuđača za nabavku metalnih žigova koji su u upotrebi kod verificiranja mjerila za 2019. godinu – oznaka i naziv iz JRJN-30192151-4 – Žigovi.

Komisija je blagovremeno i pravilno izvršila otvaranje ponuda i izvršila pregled i ocjenu pristiglih ponuda, o čemu je sačinila odgovarajuće zapisnike u kojima je utvrđeno sljedeće:

- da su blagovremeno pristigle ukupno tri (3) ponude;
- da nije bilo neblagovremeno zaprimljenih ponuda;
- da su ponude ponuđača „Ganges“ d.o.o. Doboj i „Tvornica alata“ d.o.o. Bugojno prihvatljive, jer ispunjava uslove za kvalifikaciju, propisane tenderskom dokumentacijom,
- da je ponuda ponuđača „STAHL“ d.o.o. Bugojno odbijena iz sljedećeg razloga:

Ponuđača „STAHL“ d.o.o. Bugojno je u ponudi dostavio sve dokaze tražene tenderskom dokumentacijom, međutim Aktuelni izvod iz sudskog registra je stariji od 3 mjeseca računajući od dana dostavljanja ponude, pa je iz tog razloga ponuđač isključen zbog neispunjavanja uslova za kvalifikaciju.

E-aukcija je zakazana za dan 20.11.2018. godine u 13:00 sati.

Nakon završetka e-aukcije Ugovorni organ je dobio Izvještaj o toku i završetku e-aukcije i najpovoljnijem ponuđaču.

U postupku donošenja odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te pregled i ocjenu prispjelih ponuda, shodno kriteriju najniža cijena.

U postupku ocjene provedenog postupka, federalni ministar energije, rudarstva i industrije nije našao razloge nepravilnosti, niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač „Tvornica alata“ d.o.o. Bugojno izabran primjenjujući kriterij najniže cijene koja je, nakon okončane e-aukcije, ponudena u iznosu od 3.300,00 KM.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Ponudač koji je učestvovao u postupku nadmetanja može, radi zaštite svojih prava i pravnih interesa, izjaviti žalbu Federalnom ministarstvu energije, rudarstva i industrije u roku od 5 (pet) dana od dana prijema ove odluke.

MINISTAR

Nermin Džiodić

DOSTAVITI:

- „Tvornica alata“ d.o.o. Bugojno,
- „Ganges“ d.o.o. Doboj
- „STHAL“ d.o.o. Bugojno
- Komisiji za javne nabavke
- evidenciji
- a/a